

መሐበር ወጠን አዋልድ አንሳት ኤረትሮፖ እብ ክለ ሒለቱ ሸቄ ክም ህለ ሸርሐ!

መሐበር ወጠን አዋልድ አንሳት ኤረትሮፖ እብ ክለ ሒለቱ ክምሰለ እት አምጽኦት ሕርየት ወሕፍዘት ስያደት ክምሰልሁመ እት ጠወሮት እቅትሳድ ወጠን ገብእ ለህለ ወራራት ዐማር መሻረከት ኤረትሮፖይት አንሳይት እግል ትትኣከድ ልትጸገም ክምሰል ህለ ርኢሰት ለመሕበር አሰይደ ተኸአ ተ/ሚካኤል ምሰል

አንፋር ለመሐበር ፈርዕ ጀርመን እተ ወዴቱ መዋጅሁት ሸርሐት።

እት መዲነት ፍራንክፈርት እተለ ገብአ እጅትመዕ፡ አሰይደ ተኸአ መሐበር መትካሙ ወቃራቱ እንዴ አፍየሐ ወአደቀቡ፡ ደረጀት ፈዛዐት ወፈህም አዋልድ አንሳት እብ ለትፈናተ መጃላት እግል አደቀቦ ተን ሸርሐ ክም ህለ፡ ወለ

ትትሐመድ ፍገራት ትትረከብ ምኑ ክምሰል ህሌት እንዴ አሸረት፡ ሐድ መትጃግራይ ሌግ ለቡ ምስትንክር ወፍርሰነት ኤረትሮፖት አንሳት፡ እብ ዐማር እግል አደቀቦቱ ወዲብ አግማም እግል ዐደዮቱ፡ ረቦየት በደለ ግም ምህም ሰበት ቱ፡ ዲብ ሸባባት ለትወጀህ በራምጅ እብ አውለውያቱ እንዴ ትረተበ ልትከድም እቱ ክምሰል ህለ

ወደሐት።

እት ወርሕ ሰብተምበር 2014 ለገብአ 7ይ መ-እተመርለ መሐበር ወፍገራቱ እንዴ አሸረት ሸርሐ ለህበት አሰይደ ተኸአ፡ መሐበር አምር ለትዐንደቀ፡ ደማነት ኖሰ ለእሻረተ ኤረትሮፖይት አንሳይት እግል ክለቅ ለአመመት ርእየቱ እግል ለአሰብት፡ ክምሰልሁመ ልታከዩ ለህለ ወቀይ እበ ተኣደምዕ

እግል ልሰርግል። እብ ውሕደት እት ክርሰ ዐድ ወካርጅ ለህለ አፍርዐቱ ወእግለ ሰርገለዩ ወልትሰርገል ለህለ ወራታት እንዴ አሸረት ፋይሕ ተውዴሕ ክምሰል ህበት ምነ አካን ለበጽሐተነ ሐብሬ አሸረት።

መሸተርከት እብ ጀህተን ሀደፍ ወርእየት መሐበር እት ፍዕል እግል ልተርጀም እግል ልክደመ ክምቱ አከደዩ።



ክጡጥ ጥያራት ኤረትሮፖ ምን ወአሰክ አሰመረ -ቦርሶዳን ከጥ ሐዲስ ከሰተ

ክጡጥ ጥያራት ኤረትሮፖ፡ ክምሰል አተላላይ ናይለ ወድዩ ለዐለ ዐቦት ምን ወአሰክ አሰመረ ቦርሶዳን ከጥ ከሰተ።

ዲብ ዮም 27 ራብራይር ምን መጣር አሰመረ አሰክ ቦርሶዳን ዲብለ ገብአ ወዚረት ስያሐት አሰይደ አሰካሉ መንቀርዮስ ለብኢቶም ሰብ ሰልጠት ሕክመት ወጀብህት ክምሰልሁመ ሰብ ሰልጠት ውላየት በሐር ቀየሕ ሱዳን ለሻረከው እተ ዓደት ናይ ሰልፍ ርሕላት፡ አንፋር ጃልየት ኤረትሮፖን ሰካን ቦርሶዳን እበ አቅረበም ለትፈናተ ናይ ዓዳት ውበስር መዳሊት ጋምል ክምሰል ዐለ ምነ አካን ለበጽሐተነ ሐብሬ አከደት።

ውዚረት አሰካሉ መንቀርዮስ ዲብለ ቀደመት ክለመት፡ ከሲት ናይ እሊ ከጥ አተላላይ ናይለ ፍንጌ ክልኢቱ ሐው ድወል ዲብ ዘይድ ወለዐቤ መጽእ ለዐለ ናይ ሸራከት ወተዓውን በራምጅ ክምቱ እንዴ ሐበረት፡ ዲብ አደቀቦት ታሪካይት ዕላቀት ክልኢቱ ገባይል ወዐቦት መጃላት ስያሐት ለቡቱ ዶር ውቁል ክምቱ ወደሐት።

ዋሊ ውላየት በሐር ቀየሕ ሱዳን ዶ/ር መሐመድ ጣህር ኤላ እብ ጀህቱ እግል ዐቦት ዕላቀት ኤረትሮፖ ወሱዳን እንዴ አሸረ፡ ለከጥ እግለ ዐለ በራምጅ ሰርገል ለለህይብ ሌጠ እንዴ ኢገብኤ፡ ናይ ሕጻናት ወክዶም ዲብ ኤረትሮፖ እግል ለሓልፎ ለለሐዚ ሱዳንዩን እብ ፍንቱይ ምህም አህምየት ዐባይ ክምሰል ለህሌ እሉ አፍህመ።

ክጡጥ ጥያራት ኤረትሮፖ እምበል እሊ አሰመረ ከርቱም አልቃህረ፡ አልቃህረ ካርቱም አሰመረ ክምሰልህሁመ አሰመረ ጅደ አሰመረ ወሱክ ክቱጥ ካሰት ክምሰል ህለ ልትኣመር።



እግል ዐማር ምዴርያት ዐንሰበ ዝያድ 120 ሚልዮን ነቅፈ ፈግረ



ዲብ እለ ሰነት ንነ እብ ዝያድ 120 ሚልዮን ነቅፈ እት ርክብ ምዴርያት ሰልዐ ወእት ገለብ እሱብዳልያት መዐዩ፡ እት ጠሐረ ወቀርጸት ህዩ ዕያዳት፡ እት ህምቦል-ቀጨጭ፡ ህማሽድብ ወእሰነደ ህዩ መታከዩ ዐመሲ እግል ልትበኔ መዳሊት ክም ገብእ ሓክም አቅሊም ዐንሰበ አሰይድ ዐሊ መሕሙድ ምስል ሱብ መቅደረት፡ ምደረእ ወዐባዩ ዐድ ናይለ ደዋይሕ እተ ወደዩ ልቃእ ሐበረ።

እምበል እሊመ እተ አቅሊም እብ ግዲዱ ክል ምኑ 5 ቅረፍ ለቡ 32 መዳርስ ሱብክ ወሰገም ክምስል ትሸቀ፡ ዲብ አማላይት ምዴርያት ከርከበት ህዩ መድረስት ዳኽልየት እግል ትትበኔ መዳሊት ገብእ ክምስል ህለ ለአሸረ አሰይድ ዐሊ። እት ሽጋሊ ወእምበልዳይ ምዴርያት አሰማጥ ክምሰህመ ዲብ ዩካርዕ ወአግማይት ምዴርያት ከርከበት። ጥወር ንዛም ማይ እግል ልትዳሌ ቀደም እለ ለትሸቀ ህዩ

እግል ልትሓየስ ክምቱ ወደሐ።

ወራታት ሐርስ እግል አፍይሐት ወጠወሮት እብ አሳሰለ ፈግረ በርናምጅ ህዩ። እትለ ሰነት እለ እብ ዝያድ 55 ሚልዮን ነቅፈ ምዴርያት ጌለ በርዕድ። ሐመልማሉ። አሰማጥ። ዐድተከሊዛን። ገለብ። ሐልሐል። ከረን ወሐጋት ከዛናት እግል ልትሸቀ እግል ለአንብት ክምቱ እንዴ አሸረ። እሊ እግል ልሰርገል መሻረከት መጅተመዕ እግል ትትወቀል ትላከ።

ዲብ ደንጎበ አሰይድ ዐሊ መሕሙድ፡ መትክምካም ወአትሐደሮት ሽዑብ እብ መትክሆስ እግል ልትሸቀ እቱ ኢቱን ለህለ ስታት ክምቱ እንዴ አሸረ። እት ምዴርያት ሰልዐ ለትክምክመው መዋጥኒን አብያት ሰከን ልትሸቀ እግሎም ክምስል ህለ፡ ሐን ከረም እንዴ ኢለአቱ ሽዑብ አብያቱ እግል ልትሰለም ህዩ እዳረት አቅሊም ለልትቀደረ እግል ቲዴ ክምቱ አከደ።

እብ ብዕድ እንክር ሽዑብ ምዴርያት ሀበሮ፡ እንዴ ትዝመ አርዛቅ ድዋራቱ ዲብ መሰለሐቱ እግል ለውዕል ወበራምጅ ዐማር እግል ለአድቅብ ሓክም አቅሊም ዐንሰበ አሰይድ ዐሊ መሕሙድ ምስል ወካይል ምዴርያት ሀበሮ ዲብለ ወደዩ ልቀእ አትፋቀደ።

አሰይድ ዐሊ ሽዑብ ኤረትርዩ ዲብ መደት ንዳል ኩፈሕ መሰለሕ ለተዐደዩ መሳድድ ሐቆ ሕርያትመ ለሰርገለዩ በራምጅ ዐማር ወመትቀዳም ዲብ ረበዮት ወወጀሆት ዌርሳይ እማነት ላቱ ሻብ ለገብእ ወቀይ ወለትረከበ ፍሬ ክምስልሁመ እብ እስትሸሃድ

ለተአከደ ሕቁቅ ወመሻረከት አንሳት ዝያድት እግል አደቀቦት ለገብእ ጸገም ወፍግረኢቱ እንዴ አሸረ ፋዬሕ ተወድሕ ሐቀለ ሀበ ሕሽምት ወካብረት ደውለት እግል ንምለክ ክምኩም መትክም ወድቁብ ነባሪ ወቀይ ወመዕጸም ምህም ዓምል ክምቱ ወደሐ።

አሰይድ ዐሊ ዲብ ደንጎበ ሽዑብ ሀበሮ መትክምካም ዐዶታት እግል መሰለሐቱ ክምቱ እንዴ አመረ እበትወቀለት ደረጀት እግል ልክደም እቱ እንዴ ትፋኑ ለትመቅረሐ መአሳሳት ከደማት እጅትማዕየት ወመትንፈዐቱ ክምስለ ልትሐዘ ሰበት ኢህለ፡ እህትማም እግል ልግበእ እቱ ክምስል ወጅብ

ሐበረ።

መሸተርከት እብ ተራቶም ዲብለ ሙዴርያት ለሐሰሴ ለህለ ወራታት ሐርስ መሰል ሰኔት ጋብእ ሰበት ህለ፡ እብ ሓክም አቅሊም እግል ተህየበዮም ምክር ዲብ ፍዕል እግል ለውዑሉ ክምቶም እንዴ አከደው፡ ዲብለ አቅሊም ለህለ ኢውጡይ አግቡይ እግል ልትከደም፡ ክድመት ነዲፍ ማይ ሲቶ መትክሆስ እግል ልትሀቡ፡ ለህለዩ መአሰሳት ዓፍየት ደረጀት ለትትወቀል እቡ አግቡይ እግል ልትባሰር ክምስልሁመ መዳርስ ለአለቡ እዳራት ደዋይሕ እህትማም አግል ልትሀየቡ ትፋኑው።

ሱፈረእ ኤረትርዩ ዲብ ብሪጣንዩ ወቀጠር እብ ጀህት ጀህቶም ልቀአት ወዱ፡

ኤረትርዩን ሶካን መዲነት ብርሚንግሃም ብሪጣንዩ፡ መትክምካም እንዴ አደቀበው ወጠኒይ ስታቲባት እግል ልሰርግሎ ወዳብኢት አባያም እግል አፍሸሎት እብ ክለ ሐለቶም ክምስል ሸቁ ዲብ ዮም 28 ፌብራይር ዲብለ ወደው ሰሚናር ሸርሐው።

ዲብለ ሰሚናር ሰፊር ኤረትርዩ ዲብ ብሪጣንዩ ወቅብለት አይርላንድ አሰይድ እስቲፋኖስ ሀብተማርያም እግል ንዳል ኤረትርዩ ወተሐድያቱ፡ ወራታት ብንደት ወጠን ወሄራሩ፡ ክምስልሁመ ሸክሉ ዲብ ባድል ለመጽእ ጸብኢት ወሰሙድ ሽዑብ ኤረትርዩ እንዴ አሸረ ፋዬሕ ተውዴሕ ሀበ።

“ፈድል ሰሙድነ ዲብ ስያስት ወእቅትሳድ ዐውቱታት ሰጁላም ህሌነ” ለበለ ሰፊር እስቲፋኖስ፡ ክል ሙዋጥን ዲብ ብንደት ወጠኑ መሻረከቱ እግል ለዓይ ለናይ አማን ወጅህ ኤረትርዩ እግል ንሸረሕ አትፋቀደ።

እብ ብዕድ እንክር ሰፊር ደውለት ኤረትርዩ ዲብ ቀጠር አሰይድ ዐሊ ኢብራሂም አሕመድ ምስል ወዚር ሸባን ወርያደትለ ደውለት አሰይድ ሰለሕ ቢን ቃንም እንዴ ትዋጀህ ዲብ ጠወሮት ዕላቀት ክልተን ድወል ለረከዘ ህድግ ወደ።

ዲብ ዮም 3 ማርስ ዲብ መዲነት አደውሐ ዲብለ ገብእ ልቀእ ክልኢቶም ሱብ ሰልጠት፡ ፍንጌ ኤረትርዩ ወቀጠር እግል ህሌት ሰኔት ዕላቀት አሳሰ እንዴ ወደው፡ ዲብ ጠወሮት በራምጅ ርያደት ወሸባን እግል ልግበእ ለቡ ተዓውን ወሸራኩት ክምስል ሀደገው ምነ አካን ለበጸሐተነ ሐብሬ አሸረት።

ሰፊር ዐሊ ኢብራሂም ዲብለ ሐልፈት ሳምንመ ምስል ወዚር ዓዳት ወለመድ ቀጠር ሕድ ለሸብህ ልቃእ ዋዲ ከምስል ዐሊ ልዘከር።

ጸረትርዩ ዐጽዳክ

ክል አርቡዕ ለትጠነበዕ ጀሪደት

መዳልያይ፡

መሐመድ እድረስ መሐመድ

ናይብ መዳልያይ፡

ኣድም ሳልሕ (አቡሐሪሽ)

ለይ-አውት፡

ፋጥና አደም

ተለፎን፡ 121797

ፋክስ፡ 127749፡ ዕ.ሰ.ቡ፡ 247

ተውዝዕ ጀሪደት፡

ተለፎን፡ 200454

አትአመሮት፡

ተለፎን፡ 125013፡ ዕ.ሰ.ቡ፡ 1284

(5ይ ክፍል)

ራቴዕ አግቡይ ሕፍዝ



ሚ ዶል ወጽተየ እግል ንሕፈዝ ወጅብ?

ራቴዕ አግቡይ ሕፍዝ እተ ንትነፊዕ እቲ ወቅት ሚ ዶል ወጽተየ ነሐፍዝ ምህም ቲ። ሰበት እሊ እሎም ለተሉ ንቃጥ እት ዐመል እግል ነውዕል ብነ።

□ ዕርፍ ካፍየት ሐቆ ነስኣነ ሐንገልነ ፍቶሕ ዲብ እንቱ ምን ነሐፍዝ መረ ሰኒ ቲ። ሐንገልነ ትዕብ ወዝህጅ ዲብ እንቱ ወዕርፍ እት ለሐዜ እት ሕፍዝ ነፍሰነ እግል ንጅብር አለብነ። ሰበት እሊ እግል ንሕፈዝ ነሐዜ ህሌነ ምን ገብእ። እሰልፍ ሰኒ እግል ነፃርፍ ወጅብ። እት ፍንጌ ናይ ትልህየ ወሕፍዝ ወቅትነ ላዝም እግል ነፃርፍ ወጅብ። ንተልሄ እንዴ ዐልነ እባነ እት ሕፍዝ እግል ንእቲ አወጅብ።

□ አሰር ነብረ ብሌዕ ክም አበልነ ሕፍዝ አንብቶት ሰኒ ኢኮን። ምን 30 አስክ 60 ደቂቀት እግል ንጽንሕ ብነ። ወእግል ንሕፈዝ ሐቆ ሐሰብነ ነብረ ክብድት (ተጊለት) እግል ንብለዕ አለብነ።

□ እግል ንሕፍዝ ዶል ንትዳሌ ራሐት ለለህይብነ ወሰኒ ክም ልትሰመዐነ ለወዴ ልባሰ ወእስእን ንልበሰ።

□ ክል ወቅት ርይሓም ዲብ ሕነ እምበል ረብሸት እግል ንሕፈዝ ዲብ ለእንቀድር አነን ንሕፊ። ክርሲ ሰኒ። ሃድእ። ወአዳም ለአለበ አነን ምን ገብእ ልትሐፊ። ክ'መ እት ከሺነት ሐቆ ህሌነ ነብረ ወእት ዐራት ሐቆ ህሌነ ሰነብ ለነሐዜ። ሐቲ ክልዶል ለነሐፍዝ እት አነን ሐቆ ግሰነ ንየት ሕፍዝ እግል ትምጽእነ ለህለ በክት ዐቢ ቲ።

ጭመም እብ አትሐጨርት ከሊማት ንክተብ።

□ እንዴ ደጋገምን ንቅርኡ።
□ ለትፈናተው እሉ ለከሶ ክቱብ ንቅረእ

□ መደርሰ ለበለዩ እት ንትፋቀድ ነአፍይሐ

□ መልህያምን ንትሰአል ከሊማት ሐዲሰ ዶል እንረክብ ምደርሲን ወመልህያምን ንትሰአል

ወአክትበት ንቃሌዕ እሉ።

እት አክር ህዩ አክል አዩ ፍህማም ክም ህሌነ እግል ነአምር ከራሰነ እንዴ ደብኣነ (ሐበዕነ) ነፍሰነ ንትሰአል። ሐቆ ሰኒ ኢበለሰናህ እንዴ ደጋገምን ንቅርኡ ከንዕረዱ። እግል እት ፈሰል ለክተብናህ ጭመም እት ቤት ክም ጊሰነ ምን ጆዲድ ከቲብ ኢለአትሐዜነ። እት ክል ግርበት ሳምን ህዩ እግል እት ሳምን ለደረሰናህ ንድገሙ ወንሕፈዙ።

ክእኒ ሐቆ ወዴነ እትለ ገኣት ሳዐት እግል እምተሓን ዱሉያም ሕነ። ወእብሊ። እት ርቦዕ ሰነት ልግበእ መአክር ሰነት ለእንወድዩ



እምተሓናት ኢኮብድ እትነ።

ፍገራት ለበ ገበይ ሕፍዝ

ሕፍዜ ቅራኣት ኢኮን። እግል ብዞሕ ሳዖታት ክታብ ሰበት ትገኔሕ ወዐልካመ ሐፊዝክ በህለት ኢኮን። ሕፍዝ እግል ቀርኣካህ እብ ዋጅብ ፍሂም። እብ ክሉ ጅሃት ርእየት። ምስል አጥራፍነ አትጸባጥ። አህምየቱ አክል-ሕድ አዳወርት። እግል ቀርኣናህ ወለ ብዞሕ ወቅት ምን ልትሰአሉነ አክልሕድ እግል ንብለሰ ቀዲር በህለት ቲ። ጸብጣሙ ክም ህሌነ ህዩ ክልዶል እት ምግብ ሕፍዝ ነፍሰነ እግል ንትሰአል ወጅብ። ሰበት እሊ ሕፍዝ ትሩድ ካድም። ውቁል አብሳር ወእንትበህ ለለአትሐዜ ወእት እምተሓን እግል ንትዐወት ወንፍሸል ተረት ዐባይ ለቡ ክፋል ናይ ድራሰት ቲ።

ሰበት እሊ። እት ወቅት ድራሰት

እግደ ወምህም እግል ልግበእ ላዝምቲ። ሰርም አንፋር ወለ ሐድ ሳዖታት እት ለሐፍዜ ራቴዕ አግቡይ ሕፍዝ ሰበት ለአምሮ እት እምተሓን ልትዐወቶ። ሰርም ህዩ። ወለ አምዕል እብ ግዲደ ምስል ከራረሰመ ምን ልውዕሎ እምበል ፈህም በሕ ተርፎ ወሰኔት ፍግራት ኢለአመጽኦ።

ከራሪሶም እንዴ ቀለወ እምበል ዕርፍ እግል ብዞሕ ሳዖታት ቀርኦ ወእብ ሰበቡ ኢለአንተብሆ ውበዞሕ ኢጸብጦ። ወአጊድ ልትዕቦ ወልትሀከው። ሐቆሁ ህዩ እግል ነፍሶም እንዴ ሐፍዘት ለኢትትዘከር ወእግል ድራሰት ለኢትትዘለቀት ነሰእወ። እግል ሐድ ሳዖታት እንዴ ሐፍዘው ሰኒ ፍገራት ለልአመጸኦ መልህያም ህዩ። ክም በክት ለቦም ወእግል ድራሰት ለትከለቀው ለዐሉቦም። እግልሚ ብዞሕ ሳዖታት እት ለሐፍዜ ኢትዐወተው ሰበት ኢልትፈሀምም። ልትረበሾ ወሰአየት በትነ። ከአፎ እንዴ ሐፍዘው እግል ልትዐወቶ ቀድሮ ለለአሰእሎም ነፈር አው ክታብ ሐቆ ኢረክበው በደል ገበይ ሕፍዜም እንዴ ቀየረው ጀርባ “በክት አለብነ” እት ልብሎ



አትሓጨርን እንቀርኡ ወአክል አዩ ክም ነስእ ምኒን ንሕሰብ።

□ እግል ራጅዖት ለነፊዕ ክታብ እንቀርኦ ሐቆ ህሌነ ለነሐዝዩ ህሌነ አርእሰ እቲ ክም ህሌት እት ጽበጥ ንረኤ። ሐቆህ ህዩ “እብ አማን ለሐዝዩ ህሌኮ ሐብሬ እብ አማን እሊቲ? እግል ደረሰኩም እግል አፍየሐት ህዩ ሰዴኒ ማሚ?” እት እንብል እግል ነፍሰነ ንትሰአል። ለአርእሰ ምህም

ንደጋግሙ።

□ ርይሓም እት ሕነ እት ነሐፍዝ እቲ ወቅት እንዴ ዶእንትዕብ እብ ክብድት አርእሰ ነአንብት።

□ እንቀርኦ እት ህሌነ ለገኣት ሐጅት እግል ንሕደግ ኢወጅብ። ዝያድ ለሸፊሕ ሰወር ልግበእ መ ሰቡራት ሐቆ ህለ እንዴ አንተብህነ ንረአዩ ወንፍሀሙ። ሐት-ሐቲ ዶል ሰወር ዝያድ ምን ሸረሕ እግል ለአፍህመነ ቀድር።

□ እት አክትበትነ ለእንረክቡ እብ ፍንቲይ ለትከተበው ከሊማት አው ፍክርያት ዝያደ ነአተብህ እሎም።

□ ምን ከረሳነ እት ነሐፍዝ እቲ ወቅት እብ መተሕት ሸጥር እት እንወዴ ሐፊዝ እግል ክቱብ ግል ለአብድዩ ሰበት ቀድር ሰኒ ኢኮን። ሰበት እሊ ብዕድ ሐብር ለቡ ቀለም እቡ ንክተቡ አው ሃይላይተር ንትነፊዕ።


□ እግል ረዩም ወቅት እንዴ ኢተፃርፍ ሐፊዝ ፍገራት አለቡ። ሰበት እሊ ክም ደረጃት መድረሰትነ ምን 30-50 ደቂቀ አክለ ሐፊዝ ናይ 5-10 ደቂቀ ዕርፍ ንንሰእ። እሊ ወዴነ ምንገብእ ለሐፊዝናህ እግል አትጸባጥ ሰዴኒ። ሐቆ አትጸባጥናህ ህዩ እት ዝክርያትነ እግል ረዩም እዋን ጸኔሕ።

ዐመር ዐሰማን ኩልየት ፃፍየት አሮተ

እንዴ ገብእ ሐቆ ትረኤነ እንዴ ተአየሰነ ንቅርኡ። ወእት ነሐፍዝ ሚ? እግል ሚ? እብ ከአፎ? መን? ሚዶል? እተየ ለልብለ አሰእለት እግል ነፍሰነ ንትሰአል። ለሰአል በሊሰ ሐቆ ረከብነ እሉ እት ጀፈረ በሊሰቲ ለእንቤሉ ንክተብ።

□ ለሐፊዝናህ እት ልትሰአሉነእቲ ወቅት እግል ንብለሱ ክም እንቀድር እግል አከዶት አሰእለት እንዴ አዳሌነ ነፍሰነ ንትሰአል። እብ ቀለል አሰክ እንበልሱ ህዩ





ኩልየት ዕሉም ወቴክኖሎጂ በሐር ኤረትርየ ወወራታተ

ኤረትርየ ምን ግንጋራብ በሐር ቀየሕ ዝያድ 1200 ኪሎ ምትር ለልትመደድ ማያይ ገርብ ትመልክ። እሊ ህዩ ሰኒ ዋሴዕ ርዝቅ በሐር ብእቱ። እሊ ርዝቅ እሊ እግል ተአትመቃሬሕ ህዩ መቅደረት አዳም ተአትሐዝዮ። እሊ መቅደረት አዳም ለትአደርሰ ወትአፈሬ ኩልየት ህዩ። ሕኩመት ኤረትርየ ዲብ ባጽዕ ባንዩተ ህሌት። እሊ ኩልየት እሊ በዲር ቅሰም ጃምዐት አስመረ ለዐለት ወምን ለዋው በሐርነ በረ እት አስመረ ተአደርሰ ዐለት። አዜ ላኪን ምን ሰነት 2005 ወእንሰር ክም ኩልየት እንዴ ገብአት ረሐ ለቀድረት እት እንተ ምን ቅሩብ ርዝቅ በሐር እግል ተዐልም እት ባጽዕ እሰሰት ህሌት።

ከምሰል ዐሚድለ ኩልየት ዶክቶር ዘከርየ ዐብደልከሪም ለገብአት መቃብላት እንዴ ተሌት ትትቀደም። ቅራኣት በኪተት ሰኣል። እብ ክሰሰ ኩልየት ዕሉም ወቴክኖሎጂ በሐር እግል ተአትአምረነ?

በሊሴ እሰልፍ እሊ ኩልየት እሊ እት ጃምዐት አስመረ ክም ዎሮት ቅሰም እት እንተ ሰኖታት ብዙሕ ሸቄት። ቅሰም ዕሉም ሐያት በሐር ወጀለሶት ዓሰ ህዩ ትትበህል ዐለት። ምኑ ወሐር ላኪን እት ጃምዐት አስመረ እበ ለገብአ አትመቃርሐት ሐዲሴ ለቅሰም ዲብ ኩልየት ክም ልትመወር። ርሐ ክም ቀድሮ ወምን አስመረ በረ ዲብ ባጽዕ ክም ልትአሰስ ገብአ። ወእብሊ እት ሰነት 2005 ኩልየት ዕሉም ወቴክኖሎጂ በሐር እንዴ ትበህለት። ህደፈ እት በሐርነ ለህለ ርዝቅ ኩሉ እብ ዕልማይት ገበይ ጀላብ እግል ልትሐንፈል። ሰብ ምህነት ባቅዓም እግል ልፍረው ዲብ ባጽዕ ምን ቅሩብ ምሰል በሐር ወመአሰሳት እግል ልድረሶ እንዴ ትበህለ። ርዝቅ በሐርነ እብ ለሐሰት ገበይ እንዴ አትመቃርሐት ወአመርነ እት መሰለሐትነ እግል ነአውዕሉ። እብ ዲፕሎማ ወዲግሪ

ክም ተዐልም ገብአት ወተአተላሌ ህሌት።

ሰኣል። አንበቶተ ከአፎ ዐለ ወእብ ከም ደረሰ አሰተብዴት?

በሊሴ እሊ ኩልየት እት ሰነት 2005 እንዴ ተአሰተብዴ እብ 138 ደረሳይ አንበተት። ሐቆህ እትለን ለሐልፈያነ 10 ሰነት ዐደድ ደረሳህ ምን ሰነት ዲብ ሰነት እት ወሰክ ጌሰ። ወእብሊ አዜ 450 ለገብአ ደረሰ ምን አንሳት ወተብዕን ብክ። 125 አዋልድ እት ገብአ። ለ325 ህዩ ውላድ ቶም። ዲብ እሊ ኩልየትን ዐደድ አዋልድ እት ሰኔታት ሰልፍ ሐድ ምንመ ዐለ። አዜ ዲብ በዜሕ መጽእ ህለ። በህለት አዜ 30% ባጽሓት ህለየ። ሰኣል። እሊ ኩልየት አሰክ እሊ ከም ዶል ወአክል አዮም ሰብ ምህነት ዳርሳም እድሕርት ህሌት?

በሊሴ አሰክ እሊ ሰቦ ዶል እድሐራም ህሌት። እትለን ሰቦ ደርበት ህዩ 1146 ደረሰ ተአድሕር እት ህሌት። ምን እሉም ለ448 እብ ዲፕሎማ ወለ698 ህዩ እብ ዲግሪ ትደሐረው ወዲብ ለትፈናተ መአሰሳት ሕኩመት እት ሸቄል ፍሩራም ህለው።

ሰኣል። እብ ከአፎ ፊአት ተአደሩሶም?

በሊሴ ደረሳነ እብ ሸሬሕ ወፍዕል ቶም ለደርሶ። ኩሉ ለደሩሱ ድሩሰ ህዩ። ምሰል አርዛቅ በሐር። ሕያያም በሐር ወአግቡይ እዳረቶም ወመትንፍቶም ለገይሰ ሰበት ቱ። እብ ሰሬሕ ለደርሰው እብ ፍዕል እት በሐር ወምሰል ርዝቅ በሐር ለልትጸበጠ መአሰሳት ዲበን እንዴ ጌሰው እፍ ፍዕል ልትላሞዱ። እሊ ህዩ እግል ዝያድ ብሐሰ ወአምር ለሰዴ ሰበት ቱ። ምህነቶም ሰኒ ክም ልትመከኖ ዲበ ገብአ። ወእብሊ አምርነ እብ ክሰሰ በሐርነ ወአርዛቅ ምን ወክድ እት ወክድ እንዴ ለዐቤ ልሄርር ህለ።

ሰኣል። ዐደድ አንሳት እትለ ኩልየትኩም ሐድ ህሌ። እግል ሚ ቱ ክምሰልሁ ገብአ?

በሊሴ ዐደድ አንሳት እትለ

ኩልየትን በዲር ድህር ዐለ ወአዜመ መጦርሊ ዐደድ ውላድ ኢገብእ። ለሰብ ዶል እንርእዩ ወራታት ወሐንፈሎት አርዛቅ በሐር ድቁብ ሰበት ቱ። አንሳት እንዴ ዘግነዩ ለልአትያሁ ወለልሐርያሁ መጃል ኢኮን። እብ ብዝሐ እት ቀበት በሐር ለገብእ መግዕዝ ወሰፈርያት ሰበት ቱ። አንሳት ለሐርያሁ ኢጸንሐዩ። አዜ ላኪን ለቀደም እሊ ትደሐረየ አዋልድ ክም መሰል ሰበት ገብአዩ እለን ወእለን እት ሸቄል ክም ረአዩ ለመጃል ዲብ ፈትያሁ ወለአትዩ ዲብ መጽእ ህለዩ። ወእብሊ “እንቀድሩ” ለልብል ፍክር እት ረአሰን ሰብቅ ህለ። ወእብሊ ዐደደን ምን ወቅት እት ወቅት ዘይድ ህለ። እት ኩልየት እግል ልእተዩ ምን ውላድ ዝያድት እግልን እብ ድህር ለበሊ ንቃዋ ንትክበተን። እሊመ ተሰጄዕ እግልን ቱ። እት ኩልየት ክም አተዩ ላኪን። አክል ሕድ ክመ ውላድ እንዴ ትጃገረያቱ ለልሐልፈ ከደርሰ። ክም አተዩ በሰ ህተን ወፍድብናህን ሌግ ቱመጦርሊ ሐወን ውላድ እግል ልትጃገረ በን ወፍዕለን ቀድራሁ ወእብ ንቃዋ ሰኒ ወአሰክ እብ እምትያዝ ለልትደሐራመ ህለዩ እግል።

ሰኣል። ለኩልየት ሸክለ ሚ መሰል?

በሊሴ አርበዕ ቅሰም ብክ። ኩሉም ህዩ ዕሉም በሐር ወቴክኖሎጂሁ ለልዕልም ቶም። ቅሰም ዕሉም ሐያት በሐር ወጀለሶት ዓሰ (MARINE BIOLOGY AND FISHERIES)። ቅሰም ቴክኖሎጂ ሕያያም - በሐር (MARINE BIO-TECHNOLOGY)። ቅሰም ሐርሰ-በሐር (AQUACULTURE) ወቅሰም ህንደሰት በሐር (MARINE ENGINEERING) ቶም። እሊ እብ መጃል-መጃሉ ዶል እንርእዩ። ቅሰም ዕሉም ሐያት በሐር ወጀለሶት ዓሰ እብ ክሰሰ ርዝቅ ዓሰ ወብዕዳም መክሉቃት በሐር ለአደርሰ። እት በሐር መጥብየት



ሐዋናት። ዓትሞታት ለሶም ወለአለሶ ዓሳታት። ክምሰልሁመ ሌመት ክም ከረ ጋብሌ ህለው። እሉም ኩሉም ዲብ እሊ ቅሰም ማሪን ባዮሎጂ ልትደረሱ። ነባታት። ዐላል ወሰዐር በሐርመ እትሊ ቅሰም ልትደረሱ። እብ ክሰሰ ርዝቅ ዓሳመ ህዩ ደርሶ። ርዝቅ ዓሰ ዶል እንብል እብ ከአፎ ክም እንጀልቡ። ሚ አጅናሰ ዓሰ እት በሐርነ ክም ህለ ወእዳረቱ ከአፎ እግል ትግበእ ክም ቡ እብ ዲፕሎማ ወዲግሪ ነአደርሶም።

ቅሰም ማሪን ባዮ-ቴክኖሎጂ ህዩ ለካልኣይ ቅሰም እት ገብእ። አዜ እት ልመወር ወልርሕብ መጽእ ለህለ ቅሰም ሐዲሰ ቱ። ምን መክሉቃት በሐር (አትክል ወሐዋናት) ሚ ጅንሰ አድወየት ክም ልትሸቄ ወዲብ መሰለሐት ኣደሚ ልውዕል። እግል መሳኔዕ ለገብእ ቀመማት በሐር ህዩ እብ እሰው ገበይ ምን በሐር ክም ተሐንፍሎም ደርሶ። እት ረአሱመ ነብረ በሐር ደርሶ። ቴክኖሎጂ ሙነት በሐር ህዩ እንብሉ። ከዘኖት ወዐሽንት (መዐለባት) ዓሰ። ሕማማት በሐር እብ ከአፎ ክም ንትነጃ ምኑ ወነሀውት ደርሶ። መሰለን ዓሰ ዲብ ተአትፋሬ ሕማም አተዩ ምን ገብእ። እብ ከአፎ ዳሬዕ እሉ ወትአድሕት ዲብ እሊ መጃል እሊ ደሩሱ።

ሐርሰ በሐርመ ለሳልፍ ቅሰም ኩልየትን እት ገብእ። እሊ ቅሰም እሊመ አክልሕድ ክመ ዲብ ምድር ይቡሰ ንዋይ ለእንተውብ ወነአትፋሬ። እት በሐርመ እግል ዓሳታት ተአትፋርዮም። እሊ እግል ሚ አትሐዘ እንቤ ምን ገብእ ህዩኒ። እት ምሒጣት ወአብሐር ክምሰልሁመ ብዕድ ክፋላት ማይ ለህለ አጅናሰ ዓሰ እብ ሰብ ጀለሶት ወብቀት ጠበዐት እት ልትጀለፍ ወልውሕድ ገይሰ ሰበት ህለ። እብሊ መጃል ሐርሰ በሐር (AQUACULTURE) እግል በዴ ለህለ አጅናሰ ዓሰ እት ፍንቱይ አሸራም እንዴ አትባዝሐክ ወአበርከትክ ምን በሐር እንዴ ኢትጀልብም ትትነፈዕ። ወለበሐር ምን ጀለሶት ዓረፈት ምን ገብእ።

ዲበ ለህለ ዓሳታት ሰበት ልትፋሬ በርክት። ሐትሐቱ ኢነት ህዩ እግል እት አሸራም ለአትፋሬካሁ ዓሳታት እት በሐር ትመልቁ ወእብሊ ገበይ እሊ መክሉቃት በሐር ተአበዜሕ። አሸራም ምን በሐር እንዴ ፈንቱክ እንዴ ትራቅቡ ለገብእ ሰበት ቱ። “ሐርሰ በሐር” ትባህለ። ሐርሰ በሐር እት ዐድነ ልሙድ ኢኮን ድኢኮን። እት ድወል ለዋወር ሰኒ ዋወር ወመጃል ዐቢ ለትህየባ ቱ። እሊ ቅሰም እሊመ እብ ዲፕሎማ ወዲግሪ ነአደርሰ ዲቡ።

ለራብዓይ ቅሰም። ህንደሰት በሐር (MARINE ENGINEERING) ቱ። እሊ ቅሰም እሊ። ምሰል ቴክኖሎጂ ሰበት ልትጸበጥ ምን ብዕድ አቅሳም ለትፈንታ ቱ። እሊ ቅሰም ለነአደርሶም ደረሰ ለናይ ዲፕሎማ ሰለሰ ሰነት ወለናይ ዲግሪ ህዩ 5 ሰነት ቶም። ክመ እት ኩልየት ዕሉም ወቴክኖሎጂ ኤረትርየ (ማይ ነፍሐ) ለህሌት ህንደሰት ቱ ለሰኖታት አድረሶት። ለሰብ ዲግሪ በዋቢር በሐር (መራክብ ወጅላብ) ከአፎ ክም ልትሸቄ ወሰኔ ደርሶ። መራክብ እት በሐር ፍሩር እት ህለ እግል ኢልእኪ ወብቀት እግል ኢትሳድፍ ህዩ ምሰሉ መሀንድሲን እንዴ ገብአው ልትከሰእ ወእንዴ ኢተርቅ ንቁሱ እንዴ ደለው ለአሰንዎ። እሊ ህዩ በዋቢር እት ወክድ ብቀት እንዴ ሰሐብካሁ ምን በሐር እግል ተአፍግሩ ሰዱድ ሰበት ገብእ ቱ። እትሊ መጃል ህንደሰት ለትፈናተ መሳኔዕ ወአላት ለልሐርክ መቶራት ሰበት ደርሶመ። እት መአሰሰት ከህረበት ሕርጊን። ሚነት ወብዕድ መሳኔዕ ዐባዩ ለሸቄ ምን እሊ ኩልየትን ምን ቅሰም ህንደሰት በሐር ለልትደሐር ቶም። ለእብ ዲፕሎማ ነአድሕርም ህዩ እት ቴክኖሎጂ መበረዳት ወተክዩፍ በህለት (REFRIGERATION AND AIR CONDITION) እት መራክብ ዐባዩ ወጅላብ ለልአትላግሶ ወለልአሸቁ ቶም። እሊ አላት ተብሪድ ለአትላጥእም። ለአሸቅዎ ወለአሰንዎ።




ሰባር ዐጽም

እሊ እያም እሊ እትለ ትፈናተ ባካት ሐዝ ድቁብ መቀራጥዋ ወመጸጸት ለወዴ ሕማም ርእያም ክም ተሀሉ ሸክ አለቡ፤ እሊ ሕማም እሊ “ዌልካም” ልትበሀልሙ ትሰሙሱ፤ እት አርድ ሕፋን ወጥሉል ዶል እንሳፍር ክም ከረ ባጼዕ ዶ’ለ ከረመን ደለ ትዛየረ ከዐቅብለ እንዴ ረፍዐዩ ሰበት መጸእ፤ ለሕማም ደሐን መጸከኒ

እንዴ ቤለ ልትሀልፈቶ ለተሰሜዕ ሰሜት ተ፤ ከእሊ ሕማም እሊ እበ እንግሊዚ “ደንጊ ፊቨር” አውመ “break bone fever” በሀለት ሐዝ ሰባር ዐጽም ልትበሀል ምን ክትረትለ እት መፋሰል ወአሰዑድ ለወድዮ መጸጸት፤ እብ ትግራይት ሚ ክም ልትበሀል አምራመ ሰበት ኢሀሌነ ለለአምረ ምን ለአሰእለነ ሰኒ ወሰኔት፤

ሐዲስ ፈዋኪህ)፡ መዲደት ወደለ ሕሙም እግል ልስተዩ ለትረዴ እሉ እግል ልንሰእ ወጅብ፤ እግለ ሐዝ ለለአበርድ ወምን መጸጸት ለለርሄ ደወ ክም ፓራሲታዋል መሰል እግል ልንሰእ ሀዩ ቡ። ምናተ ምን ከረ አስፕሪን ወአስፕሪን ለተሓበረ እቱ አውመ ብሩፈን መሰል ሰራይ መጸጸት እግል ልንሰእ ኢልትሐዜ፤ እግልሚ እሊ አድውየት እሊ ደም ሰበት ለአቀጥን ወሐዝ ደንጊ እግለ አሰራር ደም እንዴ አርቀቀ እብ ቀሊል እግል ትድሚ ሰበብ ሰበት ገበእ እሊ መሰል ከናይን እግል ልትራዩሞ ላዝም ገበእ። ክምእን እት እንተንትኖ እት ቤት እግል ልሕዬ ምንመ ቀድር ገሌ ናይ መዳፈዐት ምን አምራድ ሐሉቶም ድግፈት ላተ አጀኒት ነኦይሽ ወደገልል አውመ እብ ብዕድ ሕማማት ነፍሶም ድግፈት ለጸንሐት እግል ልትደቀብ እቶም ሰበት ቀድር እት ገናበት ክምለ ናይ ኒፎ መሰል ፍጠቅ ረኡነ ምንገበእ፤ አው ልርዕፍ ምን ንርእዮ አውመ ሐለቱ ክምለ እት ቅያብ ተኣቱ ትመሰል እትነ ምን ተሀሌ አገድ እት ዕያደት እግል ንርፍዑ ለትሐዜ።

World Distribution of Dengue - 2005



ደንጊ ፊቨር ሚቱ?

ሐዝ ደንጊ (Dengue Fever) እብ DEN-1, DEN-2, DEN-3, and DEN-4. ለልትበሀሉ አርበዕ

ህወን ገበእ፡ ክምሰል ከረ ግንፈእ ውብዕድ ቀሊል መጸረር ልትማሰል። ለሕማም ምን ሰነት ሰብ ለበጽሐው ወደገልል እት አጀኒት ነኦይሽ ልትሸበህ። ምናተ ሐዝ ደንጊ እት ገሌ ምነ ልትጸበቦ (5%) ሰኒ ድቁብ እንዴ ገኦ ሞት እግል ለአብጼሕ ለቀድር መረድ ቱ። ለእት ሞት ለለፈሪህ አሻይሩ ምስለ ሐዝ ድቁብ ምንለ አሰራር ለነኦይሽ ደም ሰበት ጀሌሐ፤ እት ውቀት ሐሜር ለዲብ ገርብ ደውር ደም ቅያሱ ሰበት ነቅሰ ዲብ ከረ ሐዝን ለደውር ደም እንዴ ሐደ ለሕሙም ዲብ ቅያብ እንዴ አተ ሞት ሻፍገት እግል ተዐሬ እቡ ቀድር።



ጅንሰ ሻይረስ ለመጸእ ሕማም ገበእ እት ሀላ፡ ምን ሕሙም እት ሕያይ ለተዓድዮ ሀዩ ሐናኒት ተ። ኡደሰ (Aedes mosquito) ለትበሀል አንሳይት ሐናኒት እግል ሙነተ ደም አዳም እግል ትጽመም ክም ክኸሸት ለእት ደም ሀለው ሻይረስ እንዴ ጸመቶም እት ከብደ ጸኑሕ ከካልእ ዶል እግል ሙነተ አዳም ብዕድ ክም ክኸሸት ለሻይረስ እት ነፈር እንዴ ሐድገቶ እግለ ደሙ ለሕያይ ትጸምም ከትገይሰ። ወእሊ ህተ ሐድገቶ ሻይረስ እንዴ በዝሐ ምን ለቀርብ እት ክልኤ አምዔላት ወምን ለአረይም እት ክልኤ ሳምን አሻይርለ ሕማም ልትረኤ እቱ።

ዳወዮት፡-


እሊ ሕማም እሊ ደወ አለቡ እብ ሻይረስ ለመጸእ ምንገብኤ። ምናተ ሸሩ እግል ልሐድ ነፍሰ ምን ነሻፍ ለለገግፈ ወምን ፈለል ለረሸደ ነበሪት ዝያድ ኩሉ ሀዩ ለልትሰቱ ሐጃት እግል ንንሰእ ደሩሪቱ። ክም ኦ አር ኤሴ ዐሳይር (መዐለባት እንዴ ኢገበእ

አሻይር፡-

አመት አለበ ሐዝ ድቁብ ቀንጽ እትከ ድቅብ መጸጸት ረኡስ ዕንታት ምን ንቀሩ ፈግር ለሀለ መሰል እትከ ድቅብት መጸጸት ናይ መፋሰል ወአሰዑድ መትባላል ጦርሽ ወአብደዮት ሰውሀት ነብረ ለአግደ አሻይር ሐዝ ደንጊ ቱ። ሐትሐቱ ዶል ለአሻይር ሰኒ

ገበይ ዳፍዖት፡-

ሐዝ ደንጊ ክም ብዝሓም እብ ሻይረስ ለመጸእ ሕማማት ድዱ ለትመሀዘት ክታበት ኢሀሌት። ወክምለ ተሀደገት ለልሓይዮ ሰራይ አለቡ። ለሐሰት እግል ኒደዩ ለእንቀድር ሐናኒት ሓረቦት ተ። ለሐዝ ደንጊ ተዓዴ ሐናኒት ክምለ ናይ መላርየት ላሊ ሌጠ ኢትን ለትበሌዕ፡ አደሐ ትበሌዕ ወለዘይድ እት ጽብሓት ምድር ትትኬለም። ሰበት እሊ ሐናኒት ለትታዋለድ እቱ ማይ ክሩዕ ክም ዘሬ እግል ኒደዩ፡ ለልትደበእ እግል ንድብኤ ሕፈር እግል ንዳፍን፡ ሰቡብር አግርበት ቤት በሀለት ክም ጎመ መካይን፡ ትናክ ውብዕድ ማይ ለልዐቅር ኩሉ ክም ነድድ አው ልትደፈን እግል



Female Aedes aegypti WHO/TDR/Stammers

ኒዴ ቀደርን ምንገበእ ሐናኒት ሰበት ትውሕድ ዐደዮ ለሕማምመ ልውሕድ። እምበልሁመ ልባሰ እደይነ ወእገርነ ለከድን እግል ንልበሰ፡ ወኩለ ሰነት እት ሐን ናሙሰየት እግል ንሰኩብ ቀደርን ምንገበእ ምን እንዴ ሐመምነ ንትሳሬ ምንቀዳምነ ንትገጃ ምነ። ሐዝ ደንጊ ምስለ ለሀሌት ሐረከት አዳም ወሰፈርያት ክምሰልሁመ ምስል ተቅዩር ጀው ዮም እት 110 ደውለት ልትረኤ ሀላ። እብ ብዝሐሁመ ምነ ዲብ ሰሳታት ለዐለዩ ምን ልትቃረን እብ ሰላሰ(30) ወሰከ። ምንዘመት ዓፍየት እዲነ እሊ ሕማም እሊ 17ይ ምነ ለተሀመለው ትርፒካያም ሕማማት ዕልብቱ ሀሌት። ዑለመ ዓፍየት ክታበት እግል ልምሀዩ እሉ ልግበእ ወደወ እግል ልትረከብ እሉ ለወደወ

ጀርቤ ናፍዐት ክም ኢትን፡ ምስለ እት ጀው ወመንበረት አደሚ ልትረኤ ለሀለ ተቅዩር ላኪን ክም ሕማም ሰሂል እንዴ ትረኦ እግል ኢልትሀመል ጅህድ እግል ልግበእ ክምቡ ተአትፋቅድ። ክምን ሐዝ ደንጊ እግል ንንጃ ሐናኒት ክም ኢትክሸነ ኒዴ፡ ሐቆ ጸብጢነ ሀዩ እት አገዳት ዕርፍ እንዴ ነሰኦ፤ ሐዝ ለለበርድ አድውየት ዲብ እነሰኦ፤ ለልትሰቱ ምኑ እት ነኦበሌሕ እት ብዕዳምመ እግል ኢንዓድሁ ሐንቱ ናሙሰየት እት እንሰክብ እት አገዳት እግል ንቅጽ ምኑ ንትጀህድ። ምን እለን ወኪን ደወ ድድ አንፋሰ (አንቲ ባዮቲክ) እግል ንንሰእ ወእት ብዕድ አድውየት ማልነ ወውቀትነ እግል ኢነኦብዴ ሕሳብነ ኒዴ።

ታሪክ ሐዝ ደንጊ

- ለአወላይ እብ ሕማም ደንጊ ሰጃል ለሀለ እት ናይ ቻይነ ክብት ቃላት ዓፍየት medical encyclopedia እት ዘበን ምልክ ጂን ምን 256 – 420 ገብእ እት ሀለ ለፈርር ተብዕን ምስሉ ለልትጸበዋ “ተሰምም ማይ” እንዴ ትበሀለ ሸሩሕ ልትረከብ።
- ሰልፍ ለትፈረገ ሕማም ሐዝ ደንጊ እት አሰዩ፡ አፍሪቀ ወቅብለት አሚሪካ ክም ገሸለት እንዴ ገኦ ለዘረ እት ሰነት 1780 ቱ።
- እት ግብለት ምፍጋር ጸሓይ አሰዩ ሀዩ ምን 1950ታት ክም ክል ዶል ለልትረኤ ሕማም ገበኦ እት ሀላ፡ እት 70ታት እት አጀኒት አብ ብዝሐ ለልትረኤ ሕማም ገብኦ ወምን 80ታት ወሐር ገሸለት ደንጊ ለትደጋገም ዛህረት ገብኦት።
- እት ደንግብ 90ታት ደንጊ አሰር መላርየት እብ ሐናኒት ለመጸእ ለዐበ ሕማም ገብኦ። ክል ሰነት 100 ሚልዮን አዳም ልትጸበዋ እቡ ገብኦ።
- ለሰልፍ ክም ደንጊ እንዴ ትፈኦገ ለትሰጀለ ዲብ እት ሰነት 1789 በንያሚን ሩስህ ለልትበሀል አሚሪካይ “ሐዝ ሰበር ዐጽም” “breakbone fever” እንዴ ቤለ ሰመዩ።
- እግል አወል መረት እብ ሐናኒት ክም ለዐዴ ለአከደ ዶክቶር ሴር ጆን በርቶን ለልትበሀል አውስትራልያይ እት ሰነት 1940 እት ጃምዐት አደላይድ ተ።



ዝያረት

መድረሰት ሰውረት ምን አየ አስክ አየ

(6ይ ክፋል)

መድረሰት
ሰውረት
ምስለ ሐቅ
እንሰራተን
ለሳደራ
ቴለል

ሰዱዱ
ወምሰለ
ዐለ
አንጎጋይ
ለናይ ሰነት
በርናምጅ ዲብ
ዮም 25/08/1979

እንዴ አትመመት ሐቅ ናይ
ክልኦት ወርሕ ዕርፍ ህይ
ዲብ ዮም02/11/1979 ሐዲስ
በርናምጅ ምህሮ አንበተት።

ሐቅ እንሰራተን ደረሰ
መድረሰት ሰውረት ለዐለት
ሐፋነት ወዕሳስ ጭልሕንቴ
እንዴ ከሀለው እምበል ሕላሌ
ወአትካራም ለደርሰው እተ
ሰነት ተ ለዐለት። እምበል እሊ
ናይ መአንበት ደረጃት 100
ለገበአ ደረሰ ናይ ምግባይት
ደረጃት ምህሮ እግል ጀረቦት
ደርሰው። ምስለ ዐለ መሐገዝ
አላት ምህሮ ህይ ፍገራቶም

ወመትከባቶም ሰኒ ዐለ። ዲብ

እሊመ ደረሰ ክምሰል ሀረበው
ለኢትረከበው እቱ ሕዱድ
ወቅት መድረሰት ለትዐጠለት

እቱመ ዐለ። ዲብለ
ሰነት ለሃመ እሊ
ናይ ተውዜዕ
ሕ ማ ም
ዝያረት
አተላለ።

ዲ ብ
ሰ ነ ት
1980
መድረሰት
ሰውረት
2500 ለገበአ
ዕልብ ደረሰ
ሕድርት ዐለት። እሊ
ህይ ሰማን ዕጹፍ ናይለ

ዲብ ሰነት 1976 ለአምበተት
እቡ ዕልብ ቱ። 46% ናይ
እሊ ዕልብ እሊ አዋልድ ዐለየ።
ብዕድ እሊም 2500 ደረሰ
እግል ረበዮት ለትፈረረው 217
መድርሲን 306 መራብየት።
21 ሐካይም ዐለው። እሊም
ክምሰል ማይ ወሐሊብ እንዴ
ትመቅረሐው እት ፍንጌሆም
ድቁብ ናይ ሸቅል ወምልህዮት
ዕላቀት እንዴ ከልቀው። እግል
እሊም ናይለ ትመጽእ ኤረትርዮ
እማነት ለልሰለሞ። እግል ክሉ
ጠበቃት ቆሚያት መጅተመዕነ
ለሸምሎ ደረሰ ዲብ ባለዮት
ወራዐዮት ዶር ዐቢ አግደው።

ደረሰ መድረሰት ሰውረት ምሮ
እብ ትሉሉይ ክምሰል ነባሪ ምን
ሕድ ዲብ ወረሱ ገይሶ ለዐለው
ቴለል ተውዜዕ። ተውዜዕ
ምን መድረሰት ዲብ ቅዋት።
እሊ ህይ ንዩት ወዐሽም ንዳል
ወመትካራብ ሰበት ዐለ እሊም
ቱ። እሊ ናይ ተውዜዕ መስከለት
ክሉ ረከሱ ክምሰል ሕማም ዲብ
ክሉም ዲብ ተሰሐብብ ገይሰ
ለዐለት ተ።

ምን እሊ ናይ ተውዜዕ
ሕማም ለትበገሰ ህይ ሀረብ አስክ
ድፍዓት ኢመትሐሳር ድብ
ምህሮ ሰብብ ዐለ። እብሊ ሰብብ



ምን ሐልየት መንሰዕ ቤት ሸሐቀን

እድሪስ ወድ ገብሽ ለልትበህል ሓልያይ ምን መንሰዕ ቤት ሸሐቀን
እግል እመር ወስመይ ለዐለ ከንቴባይ መሐመድ ምን ያረ ለሐልየ ሕላየት
እግል ንርኤቱ። እለ ሕላየት ዲብለ እት ሰነት 1913 ለትከተቡት ክታብ
ሐይለት ትግራይት እት ገጽ 201 ለህሌት ተ። ከእግል ዮም ካልኣይ ወናይ
ደንገበ ክፋላ

ረበዕ ለረብዓት ልዳገን - ለምኑ ነድእ ጎምሳቱ
ረበዕ ሰባር መጋዝም - መን ነውንዮ ሰጋዱ
ረበዕቱ ለዕልባይ ፈናቱ- ድፍይቱ ለጸሊም አግመኣቱ
አንጃቡ ሐራጽጽ - ገይዳት ዋራይቱ ልማዱ
ረበዕ ቶር ለዐገበ - መስከቡ ሉህይ በርካቱ
ረበዕ ሐራይሽ - ምሮ ቀርኑ ከልሻ ቱ
ረበዕ ሐረምዝ - ለንጠዋዋል ነግዋቱ
ረበዕ ሰብ ተብዕን - ፍጫል ቃቀት እንታቱ
ምድር አምር ሳጣሩ - ወድመቅ አምር ዛባጡ
ሸሩ ልብሎ ልክለኣነ - ምን ግንሐት ለአብዛዙ
ሐቅ ትነደረ - ምን ነቅም ብጽዓቱ
እት አቤኩም ለአትጋውሕ - ሰይፋ ለጽብዋ ሰክያቱ
ሰይፋ ወሐል ኢሐድግ - በንበንቱ ቅርጫቱ
ምንለዐል ነስእ አሰግደት - ወምንዲ ልድህር ሸርባቱ
ክም ዐለ ምን -ጣልም - ሾሎ ወለ ማዳዱ
ኢትሰፈፍ ተደምዕ - ምን ደርብዩ ኮናቱ
እትለ ጨዛቱ - ገድም ጋሩ ውላዱ
ምን ሀይብ ከንቴባይ - መን ዐሬቡ አፍናኩ
ምን ልትበኣስ ከንቴባይ - ቅምጭ ሚቡ ዕንታቱ
ኩብዱ በሐር አብደላም - እት ቀበተ አልማቱ
በየእ እት ድጌ - ኢክልኩሉ እንታቱ
አፍሁ ልትሄረር - ለእደይ ሻክክ እብ ረሓቱ
ምንመ አሰረም - ሞቅሕ ሰኣነት ሐጣጡ
እት ወሓይዝ ተንከር - ናስእ ጋሻቱ
ለህቱ መናቅሶ - ሕመር ወሸግላቱ
እለ ሐድግ ሚቡ - እት አንፋ ለጸንሐቱ
ገድም ሐቅ ከንቴባይ - ክል ቤት ልጽዐን ምሕሽሓሹ
ሐመድ አልመሀዲ - ተመ ገብእ ለአውካዱ
እሊ ምቱህቱ ሰይፋ - ወእሊ ሕሩዋቱ ለአጅራዱ
እሊ ብዱልቱ ከናፍሩ - ወእሊ ጡሉምቱ ለሐጽያቱ
እሊትመ ብእሰ ጠልመቶ - ሰርገክ ትቤ እንካቱ
ትከፋክፋ ከትገይሰ - ለሓዋር ህለ ውህራቱ
ሳምንተ ነብረ እዲነ - ሐቅ ሰላምን ፈንሃቱ።



ክብርን ለግባት

ሐቴ እት ረውደት አጀኒት ለተአደርስ እሴት፡ ለአጀኒት መደት ሳምን ለትነሰእ ትልህዩ እግል ተአተልህዮም ቀረረት። ከምን ክል ጀነ ዎሮት ኪሰ ገሌ ሐባት በጣዋስ ለብዲቡ እግል ለአምጸእ ጠልበት ምኖም። ወእግል ክል ሐበት በጣዋስ ሰም ናይ ለኢፈትዩ ነፈር እግል ልስመዩ ትሰኣለቶም። እሊ በህለት ክል ዎሮት ምንላ አጀኒት እትለ ኪሱ አክል አሕድ ዐደድለ እሎም ለአቤ አንፋር ለገብአ ሐባት በጣዋስ እግል ልርፈዕ እቲቱ በህለት ቲ።

እትለ አምዕለ መዋዒዶም፡ ለአጀኒት ዎሮቶም ትክሊ ወበጣዋስ ሰማይለ እሎም ለአቤ አንፋር ለብእቲ እቡ መጸ። ገሌሆም 2 በጣዋስት ወገሌሆም 3 ወገሌሆም 5 ወእብለ ትመሰል ገበይ....

እቲ ዶል ለህይ ለሙደርስት ሸሩዋ ናይለ ትልህዩ አሰኣለቶም። ለገብአ ደረሰሳይ ኪሰለ በጣዋስ እግል መደት ሳምን ወለ እግል ሐቲመ ዶል እንዴ ኢከርዩ ምኑ። እትለ እሊ ጌሰ ምስሉ እግል ልትሐረክ እቡ አሰኣለቶም። አምዳላት አክለ ሐልፈዮተ ለአጀኒት ለኪሰ ጸነ ነፍሰ ለተአብዩዩ እት ፈግር ምኑ ሸዐረው እቡ። ምናተ እሊ ጸነ እሊ ልግበእ መከባደትለ ኪሰ አሰክለ መዋዒዶም ተምም እግል ልትሐሞለ ዐለት እቶም። ወጡበዓን ክለ ዐደድለ በጣዋስ በዝሐተ ለጤነ ሰኒ እግል ልትኪለም ቲ። ወላመ ከባደቲ እተ ክምሰልህ። ሳምን ክም ሐልፈት ለትልህዩ ሰበት ተመት ለአጀኒት

ሰኒ ፈርሐው። ለሙደርስት እግል መደት ሳምን ካምለት እሊ ኪሰለ በጣዋስ እንዴ ረፈዐው ተሐት ወለዐል እት ልብሎ እቡ እብ ሚ ልሸዕሮ ክም ዐለው ትሰኣለቶም። ለአጀኒት እሊ ኪሰ ክቡድ እብለ እኩይ ጸናሁ እግል መደት ሳምን እንዴ ረፍዐው እትለ እሊ ጌሰው ምስሉም እት ለአምሆልሎ እቡ እኩይ ልትሰምዖም ክም ዐለ ወምንለ ገበአ ክም አምሸዮም ሸርሐው እሊ። ሐቆ እሊ ለሙደርስት ሀደፍ ናይ እሊ ትልህዩ እሊ እግል ትሸረሕ እሎም አንበተት። እሊ ጋር እሊ አክል ሕድ ክመ እት ልብነ እብ ሰቡበ ዎሮት ነፈር እንዴ ዐቀርናህ ለእንገይሰ እብ ደመልቲ። አብ አልባብ ተአከሰሕ ወእሊ ከሱሕ አልባብ እሊ ምስልነ እትለ እሊ ጊሰነ እንገይሰ እቡ። ከ እሊ ጸናለ በጣዋስ እግል መደት ሳምን እግል ትትሐመሎ ለኢቀደርኩም። ጡል ዕምርኩም አባ ብዕዳም ለትመለኦ አልባብኩም እንዴ ረፈዐኩም ተሐት ወለዐል እት ትብሎ እቡ ክም ከኣፎ መስለኩም? ናይ አማን ፈተ ህዬ ፋቲለ ካምል አውሳፍ ለብዲቡ ነፈር ወእግል ትርከቡ ለኢትቀድር እንዴ ኢትገብእ። ለናይ አማን ፈተ እግል አውሳፍ ካምለት ለአለቡ ነፈር እብ ገበይ ሰኔት ወካምለት ትፈቲ ዲብ ህሌክ በህለት ቲ። ወእብለ ሰቡበ ህቲመ ነፍሱ እሊ ናይክ ሸዐር እግል ልትባደለክ ሰበት ቲ። ከምንለ አከይ ጸነ ወናይ ዲመ ጸር ክቡድ ላተ አብ ትነጃ።

ሕክመት

ዎሮት መልክ እት ዘመን ንእሹ፡ ክሎም መጃላት ዕሉም እንዴ አድረሰዩ እት ለትወቀለት ደረጀት ክም በጽሕ ለወደዩ ኡሰታዙ ዐለ እሉ። ሐቴ ምዕል ለኡሰታዙ እምበል ዘንብ ተማም ሀክክል ወደዩ። ሐር ክም ዐበ ወመልክ ክም ገበአ። እግለ ኡሰታዙ እንዴ ትላከዩ ክም እሊ እት ልብል ተሰኣለዩ። አምዕል ፍላን ክም ሰልሁ እግል ትዛብጠኒ ልቀሰበተክ ምስምሰ ሚ ዐለት... ወአና ምን ዘንብ ሐቴመ ዋዲ ምን ይዐልኮ?

ለኡሰታዙ ክም እሊ እት ልብል በልሰ ዲቡ። ጠምጠም ዝልም እግል ትጠምጥም ሰበት ሐዜኮነቲ። ከጠምጠምለ ዝልም ጠምጠምካሁ ወእት ርሕካ ጀረብካሁ ምን ገብእ እት ረኣሰ ብዕዳም ዝልም ኢትወዴ።

መዕሉመት

ሐግነት ዶልፊን ምን ሐግነት ወድ ኣደሚ ተዐቤ ወዝያዱ ለትሐባለኩት ቲ። ወእት ክል ሐምሰ ደጊገት ማይ ሰበት ልትነሸዕ እብሊ ሰቡብቲ እግል ብዙሕ ወቅት እትረኣሰለ ማይ ለልትረኡ ወእሊ ምን ኢትገብእ ወተርቀ ዐለ።

በህል

እ'ሙራም

- ለውቀት በህለት፡ እግለ እትለ እዴክ ለህሌት መልሐት ሌሙነት፡ እት ጡዑም ሴቲ እግል ትበድለ ለትወድዩ ጸገም ዶል ልትዐወት ቲ። (ዴል ካርኔጂ)

- ለውቀቼ እግል እድመን ለእተለዩ ክዋወት እላተ..አሆ ልግበእ ሚ ኢፋል..ለኣለን እግይሰ ከጠዋት እት ራትዕ ከዋ አሴርረን..ወላዝም እግል እብጹሐ ለብእቼ ሰታት እከፊ። “ኔትሻ”

- የም አለበን ዔማት ለውቀትነ ላተን ጋራት ብጎርነ። ምናተ ሕነ ልብ ይእንከሬ ዲበን። እሊ ህዩ ህተን ሐበት ሰበት ኢከልፋናቲ (ለቢብ)

ድግም መሰል

“ቅወዕ ፍላን ፈ'ረ”

ብዙሕ ወቅት እግል ሴምዓይነ እብ ሓጫር ገበይ ነሓዝዩ ለህሌነ ጋር ለነኣስምዕ እቡ ሓጫይር አግቡይ ሀገጊት በህለት ኔገሮት ሀለ። ወእሊ መሰል ኔገሮት ለልፍህም ዓቅል መፈዳብ ሴምዓይ ለአትሓዜ። እለን እግል ኔገሮት ለንትነፈዕ እበን ዝፆታት ክልዶል ምንላ እትለ ባክነ ለህለው ሰነዕ ወምንላ እት አምዕላይ ተዩልልነ ለሳድፋነ መሳእል ቱ ለንትሰለፈን።

ከዔማት ናይ እሊ ዘዐት እሊ ዎሮት እግል ወቅት ረዩም እንዴ ኢልርእዩ ፍንቱዩ እት እንቱ ነብር ለዐለ ሐሁ እት ወስፍ ክም እሊ እት ልብል ከትቡ “ፍላን ለቅወዕ ፈ'ረ ምኑ” በህለት ለጭገሩ ሺብ ገልበብዩ። ከዲብ ሸዐብናመ ጭገርለ ረኣሰ ዶል ጸዓዴ ሺብ ለዐ ዲቡ ልትበህል። አውመ ሺበት ለኣነብት ለህለ ረኣሰ ዶል ልትረኡ። ፍላን ሺብ ቀርሐ ዲቡ ልትበህል።

ነሳይሕ እግል ዐምሳት ላተ እም

እም እት ሰልፍለ ዕምሰናህ ላዝም እግል ትታብዕ ወልብ እግል ትክሬ ለትሐዝዩ። እብሊ ሰቡበ ምን ሰልፍ ከሸፍ እግል ቲዴ ወለለኣትሐዜ ተሕሊላት እግል ትውዴ ብእተ። እሊ ለገበአ ሕማም ዶል ህለ እንዴ ተአመረ እት ሰልፍለ ዕምሰናህ እት እንተ ሻፍግ ሰራይ እግል ልትሀዩቡ ሰዴ።

እምበል እሊመ እትለ ደመ ክሉ ደሩሪ ላቲ ተሓሊል እንዴ ገበአ። ፍቅር ደም አኒምዩ አውመ ብዕድ እት ርሕም እግል ለህሌ ለቀድር ሕማም ምኑ ናግዩት ክም ተ ደማን ትረክብ። ወእተ ክም ሰልሁመ RH ናያ ሚ ክም መሰል። ኢፋሉታይ ገበአ ምን ገብእ እግለ እናሰ ተሓሊል ወፍሐሰ እግ ልግበእ እሉ ለአትሓዜ። ከህቲመ እብ ጀህቲ ክምለ እትለ ናይለ እም ኢፋሉታይ RH ህለ እሉ ገበአ ምን ገብእ ሙሽክለት አለቡ። ለእም አሰርለ ውላደት እትለ ዶል እግል ሓራይ ዕምሰናህ ለትዳፍዕ እሊ ሕግነት እግል ትትዘበጥ ብዲበ።

ክም ጩወ መሰል መመግል እግል ኢለህሌ ወአክል አሕድ ምን ዓፍዩት ናይለ ከላዊ እግል ትትአከድ ናይ ሸን ማይ ፍሐሳት ለአትሐዜ። እሊ ታሓሊል እሊ ህዩ እግል ልትከረር አው ልደገም ብዲበ። ወምን ሓለትለ እት ደመ ለህለ ሱከር እግል ትትአከድ እት ሓምሳይ ሸህር ናይለ ዕምሰነ እብ ከኣር ወሐቆ ነብረ ለገብእ ፍሐሳት እግል ልግበእ እሊ ተአትሐዜ። እምበል እሊመ አሸዐት (ራጂ) እግል ትውዴ ለአትሐዜ። ወእሊ አሸዐት እሊ እትለ ሐነት ለትሰብቡ ወላሓቲመ መደረት አለበ። ወእትለ አርወሐተ ምን ገብእመ ለሔሳ ቲ። ሀንደገት ልብለ ሕነት እብ ገበይ እሊ አሸዐት እሊ እት ሓምሳይ ወርሐ እግል ትትፈረግ ትቀድር። እት ወቅት ዕምሰነ እምበል ሾረት ሐኪም ለገበአ አሰርዩት እግል ልትነሰእ አለቡ። እግል ዓምሳት ላተ እም፡ ምነ እት ጅዋዝ ዓሳብ ናይለ ሕነት እግል ልጅሬ ለቀድር ከራብ ለዳፍዕ እትለ ሰልፋያም ሰለሰ አዋርሕ ዕምሰነ ፎለክ አሲድ ቅያሰ 400 - 800 ሚክሮ ግራም እት አምዕል አምዕል ልትሀዩበ። ወሼታሚናት ወሐጺን ህዩ ሐቆ ሳልሳይ ሸህር ቶም ለልትሀዩበ።

ተበሰም

እ ና ሰ ወእሰቲ እብ ባቡር ምድር ምስል ሳፈፈው። ለእሰት ልግምት ነብፈት። እትገቡም ሐድሰ ሙትዳገሽ ሰበት ሰፍፈዮም ለእሰት ሰኒ ደንገፈት። እብ ሰብ ለድንጋጽ ልሳነ ትጠለቀ እሊ ወምን ለመልገም ተግፈት። አምዕል ሓፉ ለብእሰ እብ ተዕፂድ እግል ልትሰኣለ ድድ ለሸርኩት ለምድር ባቡር ሸክወት ቀደመ።

በህል

- ክልብ ልወቅ ደነቡ ለሻልሸ። ምናፍቅ ህዩ ንሳለ።

- እናሰ እግል ልህዴ ሐቆ ቀረረ...እሊ ለነይ ደንገብ እግል ልንሱኡ ለልትሰመሕ እሉ ቀራር ቲ።

- እዲነ ክም እላተ.. ትትረኡ፡ ትትፈናተ፡ ትትዐዘብ፡ ሰእዩት ትውዴ፡ ወክልዶል ሐቆ ማሲ ምድር ዋብሕ ምድር ሀለ።

- ሐት-ሐቲ ዶል..ሰንዓት ሰኒ ሐምቀት..እግል መደት ትርድት እንዴ በጠርኩ...እት መጦርክ ለልትረከዮ አንፋር ምን ሐዲሰ ተርቲብ ክም ትውዴ ኢሎም ትቀሰበከ።



ጽሑፍ ጽሑፍ ? ስ ል ?

ስላሴ፡- አወል ሰላም እግል እቀድም እፈቱ ምኑ እንዴ
እስከሌላ ፈርግ ፍንጌ ኮሚዲ ወፋርስ ድራሙ እግል ተአብርሆ
እግልዬ እፈቱ ወሹክረን!

ጀማል ሳልክ ምን አስመረ

በሊሰ፡- ተማም ጀማል ሰላልክ እብ ሐጪር እግል ንብለሰ
እግልክ እግል ንጀርብቱ። ኮሚዲ አው ጠዓሚቶ ለልትበሀል።
እብ አጥዓሚቶ ለትመለኦ ወእብ አጠሚቶ ለተምም ቱ። ፋርስ
ድራማው ምስል ፈሲሰት ኮሚዲ ልትቃረብ። ላኪን ፋርስ ዝያድ
ቅቦ ወተርጀገት ለበዝሐ ዲቡቱ። ዝያድ ላኪን እት ፍንታዚ ቀርብ።
ፈንታዚ ለልትበሀል ምስትሐላት ክም ገብእ ዶል ተአርኡቱ።

“ተማሲል ትግሬ ሸቅል ለአትሐዝዩ ሀለ”

ጥዕም ሰበት ኢትጸገብ፡ ተማሲል፣ ጥዑምቱ ወዝያድ እግል
ልጥዐም ሸቅል ለአትሐዝዩ ሀለ። ሸቅል እብል እት ህሌኮ ላኪን
ልተዐብ እቱ ኢሀለ በሀለቼ ኢኮን። ምን ሀለዩ ወለዐል እግል
ልግበእ ክድመት ምን መዳልየት ወመዳውረት ለአትሐዝዩ ሀለ።
እብ እንክር መዳልየት፡ ተዐቦም እንዴ ኢለዐልሶ እብ መትሰባል
ክመ ሸቅዉ ለሀልው ታሪክ እግል ልሸቀው ወተአሪኮም ወዐዳቶም
እግል ለሐንፍሎ ሶም። ወእብ እንክር መዳውረት ህዩ ተሰጅዕ
ወተሐዲ። ሹክረን

አድም ሰዒድ (ወድ
ዐድ) ምን ሐጋት

ዐገል ዕጉላም



ሰሚት ታመት፡ ሲድኒ አልቪን
ሰይድ ፊልድ
ሰነት መትወላድ፡ 1935
ዐድ፡ አሜርካ
ምህንት፡ኬትባይ
(ክ ቱ ብ



ፍልም)
ሰይድ ፊልድ
እት ሰነት19/11/1935
እት ካሊፎርንያ-አሜርካ
ትወለደ።ዕቢያቱ ፍንቲት ምንመ
ኢኮን ምን ንእሹ አፍላም እት
ልርኤ ዐበ።አወል እት መድረስት
ለአቱ እት ሀለ ለልትሀደግ
ፍድብ ይዐለ እግሉ። እግልሚ
እት ቀብቱ ብዕድ ሀወየት ዓቅር
አርቡዕ 4 ማርስ 2015

ሰበት ዐለ። እብ በይንክ እት
ተአስተነን ወተሐሰብ ለልሸቄ
ሸቅል ክታበት፡ እሊ ሸቅል
ክታበት ላኪን እብ ተአኪድ
እት ሰነት ከም ክም አንበተዩ
ምንመ ኢፈቅድ፡ ደረሳይ
ካልኣይ ደረጀት እት
እንቱ ክም መየለ
ዲቡ ለሀድግ።
ናይ ካልኣይት
ደ ረ ጀ ት
ድራሰቱ እንዴ
አ ት መ መ
እት ጃምዓት
ልትዐዴ እት
ሀለ፡ እብ ሚ
ምህንት ክም
ልደሐር ሸክ ይዐለ
እግሉ። ህቱ ህዩ ህግዩ
እንግሊዝ እንዴ ደርሱ፡
ለእት ልቡ ዐለ አምር ክቱብ
ጠወሮትቱ። ሰይድ ፊልድ ዶል
ልሰሚ ገበይ ክታበት፡ ክቱብ
ፍልም ተቀብ ወዴ እትከ።
ኬትበት ፍልም እብ ዓመት
ወናይ ሆሊዉድ እብ ፍንቱይ
ሸክል ወክታበት ክቱብ ፍልም
ከፎ እግል ልግበእ ክም ምን
ሰይድ ፊልድ ካሬ በሊስ እብ

ፍዕል ምን ረክሶ ኢያም ዋድያም
ሀለው። ህቱ ለበዝሐ ወቅቱ
ኦሮት ክቱብ ፍልም ሚሸክል
እግል ልጽበጥ ክምቡ እት
ልመራመር ለሐልፋ። ምን እሊ
እንዴ ትበገስ ህዩ እግል ብዕዳም
ለአተግነዐ ወእግል ኬትበት
ሆሊዉድ መርጀዕ ጋብእ ለሀለ
ክታብ አጥበዐ። ሰይድ ፊልድ
ለደረጀት እለ እግል ልብጸሕ
ለሰደው ወአትነዩተዉ አክትበት
ወኬትበቱ ቶም። ኦሮት ምን
ሰይድ ፊልድ እብ ሸቅሎም
እንዴ በሰጠ ለትሐገገዮም። እት
1960ታት እሙር ሙክርጅ
ፍልም ለዐለ ጁን ረኖርቱ።
ህቱ ሙክርጅ ናይለ ስሙያት
አፍላም፡ ‘ግራንድ ኢሊጅን’
ወ ‘ሩልስ ኦፍ ዘጌይም’
ቱ።ሰይድ ፊልድ ምስል ረኖር
እት ጃምዓት ካሊፎርንያ
ትራክብ። እተ ወቅት ለሀይ
ሙደርስ ጃምዓት ለዐለ ረኖር
እግል ሰይድ ብዘሕ አድረሰዩ።
ፍልም ሚቱ? እብ ከፎ እንዴ
ወዴክ እግል ትርእዩ ብከ?
ፍልም ሚ ለመስል ጥበብቱ?
ወለመስሉ ሰኣላት ክም በልሰ
ወደዩ። እብሊ ሰብብ እሊ ህዩ
ረኖር እግል ሰይድ መደርሱ
ሌጠ ለኢገብኦ፡ መስል ጋብእ
እግሉ ክም ዐለ እሙርቱ።
እተክምስልሁመ ሚካኤል
አንጀሎ ወዋይልድ ባንች ገሌ
ምን ሰይድ ፊልድ ኬትባይ
እግል ልግበእ ለአቅነአዉቱ።
ህቱ ምን ጃምዓት ካሊፎርንያ
ክም ደሐረ፡ እበ ሐፋነቱ እተ
ልትሀገኑ ለዐለ አምር ክቱብ
ኢትወዝዐ። እግል ከም ሰነት
እት ጅላብ ሸቄ ሐቆ ጸንሓቱ
እተ ልትሀገኑ ለዐለ አምር
ክቱብ ለትሐበረ። እት እንበተቱ
ብዘሕ ናይ ተልፈዝዮን
በራምጅ አዳለ። ገሌ ምኑ
ህዩ ታሪክ ሐያት እሙራም
አንፋር ወ ‘ናሽናል ጆግራፊ’
ለብዲቡ ሐድ 125 ወሳይቅ




ወሰቀ።ፊልድ እብ መትሐሳር
ክቱብ ፍልም እግል ልክተብ
ለደረከዉ ለምስሎም ደርስ ዐለ
ደረሰ ጃምዐት፡ እብ ክሰሱ ገበይ
ክታበት ፍልም ለዳለ ክታብ
እግል ንቅረእ ሐዜ። ሐብረን
እት ልብሎ ክም ጀረሰዉ፡
ለሰኣሎም እግል ልብለሱ፡ ላጀሰ
ኤግሪ ለክትበዩ፡ “ጥብብ አው
ብስር ክትበት ድራመ” በሀለት
(The Art of Dramatic
Writing by lajos Egri)
ህሌት እግልኩም እት ልብሎም

- እብ ፍራንክ ዳረቦን
ለትክተብ፡ The shawshank
Redemption
- ወ እብ ሮቤርት ቶውን
“ቻይነ ታውን” ህዩ ልሔሰ
ቤለዩ።
ለሔሰ ፍልም ምን ልብ
ለልትክተብ ክምቱ ለለአምን
ፊልድ፡ እብ ክሰሱ ክቱብ
ፍልም ለአፍገረዩ ወስሙይ
ለገብኦ እቡ ሸክል ሀለ፡ ህቱ ህዩ
“ሸክል ሰለሰ መዋዲት” (three
act structure) ልትበሀል።



መርሐም ዐለ። እሊ ላኪን
ሰኣየት እግል ኢልብተኮ ወፈን
እግል ኢልእበው ሰበት ቤለውቱ
እንዲኢኮን ለእት 40ታት
ለጠብዐት ክታብ ብዘሕ ንቅሰ
ክምበ እግሩስ ዐለ። ምን እሊ
እንዴ ትበገስ ህዩ ክታብ እግል
ልክተብ ሰበት ሐደደ፡ ሐድ
2000 ክቱብ ፍልም ቀርኦ
ወአዳወረ። ምን እሊ ክሉ
ክቱብ ህዩ 40 ሕረይ ለቤለዩ
ክቱብ ደጋገመ ወፈጥነ። ሐቆ
እሊቱ ህዩ ሕሩይ ክቱብ ፍልም
ለልትበሀል፡ ጠቢዐት ፈዳብ
ወእብ ፍዕል ፈዳብ ለተለቱ
እግል ሊበል ለቀድረ።እብሊ
ህዩ ክሎም መአንብተት ክቱብ
ፍልም ለልትነፍዖ እቡ ህግዩ
ለበዝሐት እቱ ክቱብ ፍልም
እብ ሸደት እግል ለዐግቡ
አንበተ።ሐቆ እሊ እለን ለተልዩ
ክቱብ ፍልም፡ እብ ለትፈናተ
እንክራቱ እንዴ ረአዩ ሕሩያም
ስመዮም።

እብ አሳስ እሊ ሸክል እሊ
ኦሮት አስክ 2 ሳዐት ለገይሰ
ክቱብ ፍልም፡ እት ሰለሰ ዐባዩ
መዋዲት ልትከፈል። አወላይ
ውዳይ።- አተአመሮት አግደ
ጠቢዐት ወብዕዳም ጠባይዕ
ሀደፍ አግደ ጠቢዐት ገብእ
እት ሀለ፡ አግደ ጠቢዐት ሀደፋ
እግል ልብጸሕ ለለኦርእዩ ግድለ
ህዩ ካልኣይ ወለ ዐበ ውዳይ
ልትበሀል። ለሳልሳይ ወናይ
ደንጎበ ውዳይ ህዩ ለጠቢዐት
ሐቆ ዘቢጥ ወኢዘቢጥ ሀደፋ
እተ ትመትለ ቅሰት ክም በጽሐ
ለልትርኤቱ። ለበዝሐ ወቅቱ
እት ጃምዓት ለሐለፈዩ ፊልድ፡
ብዘሕ እግል ፍልም ለበጽሐ
ኩቱብ ለአቅረበ ምንመቱ፡ እብ
ዝያድ ለልትአመር እቡ ላኪን
ለእግል ክቱብ ፍልም ለከሰሰ 8
ክታብቱ። ፊልድ እብ ሕማም
አኔምዩ (ድዕፍ ደም) እብ
ሞት እድንዩ ምንመ ትፈንተ
ለኢልትረሰዕ አሰር ሐድገ።



ጅግረ አትሌቲክስ አዋራፍ መዲነት 2015



አሮት ምን አግደ እሙር ጅግራታት ፈደሬሽን አትሌቲክስ ኤሪትሮፒ ላቱ ጅግረ አትሌቲክስ አዋራፍ መዲነት፡ እተ ሐልፈት ሰንበት ንኢሽ እብ ደረጀት ወጠን እት ደዋይሕ መዲነት ባርንቶ አቅሊም ጋሽብርክ ገአ።

እተ መስኡሊን እዳረት ጋሽብርክ፡ ምፈወድየት ርዶደት፡ ፈደሬሽናት አትሌቲክስ አቃሊም፡ ወወዙመት ለገአት እግሎም ጋሽ ለሐድረወ መናሰበት፡ አትሌታት አቃሊም ጋሽብርክ፡ ምግብ፡ ግብለት፡ ዐንሰበ ክም ሰልሁመ ምን ውዛረት ድፈዕ ለመጽአው አትሌታት አሻረኩ።

እትሊ ጅግረ እሊ፡ አሰልፍ እግል ትልህየ ብርንቶ እንዴ ገአየ እት ከጥ ጅግረ ለአተየ ሸባት ናይ 6 ኪሎ ምትር ዐለየ። እትሊ

ናሳፈት እሊ፡ መትባድረት አቅሊም ግብለት ላተን አትሌታት ሕብረት ደበሳይ ወነብያት አብረሃም እግል መትጃግረተን እንዴ ትፈንተየ 1ይት ወ2ይት እንዴ ገብአየ ተወወተየ። ግራህን ህዬ፡ ሰምረት ወልዴሚካኤል፡ ሉቲየ ሰጊድ ወዩሃን ገዛኢ ምን አቅሊም ምግብ እብ ቀደም ትሌ አተየ። ምንን እንዴ ትደንገረት 6ይት ለፈግረት ህዬ፡ ለምለም ወልዴጋብር ምን አቅሊም ግብለት ዐለት።

ግራሊ እሊ ናይ 6 ኪሎ ምትር ብድረ ለገብእ ብድራ 8 ኪሎ ምትር እት ገብእ እሊመ እብ ሻባት ለገብእ እት ገብእ ምን ቀደሚሁ ጋብእ ለዐለ ብድረ ምን ለሀሌ፡ እትሊ ለሻርክ አንሳት ዐባዩ ክምሰልሁመ ምን ውላድ ነኣይሽ ናይ ሐቲ መሳፈት ምስል

ትበገሰው። እተ ናይ አዋልድ ብድረ ምን አቅሊም ምግብ ላተን አትሌታት ናዝሬት ወልዴ፡ ረሕመ መሐመድ ወኮብ ተሰፋጋብር መዳልያት እት ልትሰርዝ፡ ዩሃን ዩማኔ ምን ውዛረት ድፈዕ፡ አድያም አብረሃም ምን አቅሊም ምግብ ወነብያት ሀብቱማርያም ምን ውዛረት ድፈዕ ናይ ደረጀት ንቃዋ ትካፈለየ።

እትሊ ጅግረ እሊ፡ ምን ውላድ፡ አሮን ክፍሌ ምን አቅሊም ምግብ፡ አፍወርቂ ብርሃኔ ምን አቅሊም ግብለት ወዩማኔ ሀይሌሰላሴ ምን አቅሊም ምግብ፡ ክምሰልሁመ ሞጎስ ሹማይ፡ አብረሃም ሀብቱ ወብርሃኔ አማኒኤል ሰልሴቶም ምን አቅሊም ግብለት ምን 1ይ-6ይ ፈግረው።

እት ደንገበ ህዬ፡ ለብዝሓም ሙአይደት አትሌቲክስ ልትጸባር ለዐለው ጅግረ 12 ኪሎ ምትር ናይ ዐባዩ ገብአ። እትሊ ጅግራ እሊ፡ ለዝያድ ክሎም አትሌታት ተጃርብ ወወውቲ ለቡ፡ እምበል እሊመ ናይ ደሀብ መዳልየት እት አሎምፒያት ሸባባት ዐለም ለምኑሕ አብራር ዑስማን ምን መትኣንባትላ ጅግረ መልህያው እንዴ ትፈንተ ምናም እብ ሕለት(sprint) እንዴ ሐልፈዮም 1ይ እት ፈግር፡ ግራሁ ህዬ፡ ጸጋይ ጥዑማይ ምን አቅሊም ግብለት፡ ህዝቅኤል ተወልዴ ምን ውዛረት ድፈዕ፡ ጎይተኦም ክፍሌ ምን አቅሊም ምግብ፡ ብርሃኔ ጸጋይ ምን አቅሊም ጋሽብርክ ወዩውሃንስ



ላ-ሊገ

ለእብ ላሊገ ለልትአመር ደውሪ ኮበሪት እገር ሲጋንዩ እተለን ለሐልፈዩ ሰነብት ትሉሉይ ዐለ። ለእብ 60 ንቅጠት ለደውሪ መርሕ ለዐለ ፈሪቅ ርዶል ማድሪድ እት



ሚዳት ሰታድዩም ሳንቲያጎ ቤርናፕ እግል ሼለርዶል እንዴ ተሐደረ እተ ለወድየ ትልህየ 1-1 እብ መትዓዳሉ ክልኤ ንቅጠት ካሰር ህለ። እትሊ ትልህየ እሊ፡ መተልህየት ማድሪድ እት 52 ደቂቀት ምን ሪጎሌ እብ ክሪስትያኖ ሮናልዶ ጎል እንዴ ሰጀለው ምንመ መርሐው፡

ናይ ሼለርዶል ሞረኖ ባለገር ጎል ተዓዱል እት 64 ደቂቀት ሰበት ሰጀለ እግል ናይ ሮናልዶ ትሳነዩ፡ እብ አሳስ እሊ ህዬ ትልህየ እብ ተዓዱል ተመት።

ለ አ ግ ደ

መትጃግራይ እሊ ፈሪቅ እሊ፡ ላቱ በርሰሎን ህዬ እት ሚዳን ጋራናደ እበ ራኪቼ፡ ሲዋራዝ ወሚሲ ለሰጀለውን ጎላታት እግል ሐቆ ዕርፍ እት 53 ደቂቀት ምን አካን ሪጎሌ ጎል ለሰጀለ ፈሪቅ ግራናደ 3-1 ቀልበዩ። እብሊ ህዬ ክልኢቲ ፈሪቅ እት ክልኤ ንቅጠት

ድሁር ህለ።

ርዶልማድሪድ ሐቆ ሰነት 2012 አሰክ እሊ ካሰ ላሊገ ዕውት የህለ። ናይ ዮም ዓመት ደውሪ ህዬ እግል ልትመመ ክል ፈሪቅ ከ 13 ትልህየ ታርፋቱ ህሌት።

እት ብዕድ ትልህየ ላሊገ፡ ሻለንሰየ እግል ርዶልሰሲዳድ 2-0፡ ርዶል ሻሊካኖ እግል ሌሻንቲ 4-2፡ ወማላገ እግል ጌታፌ 3-2 እት ቀለብም። ሴቪየ ምስል አትሌቲኮ ማድሪድ 0-0 ተዓደለው።

ሐብራ ትልህየ

ፕሪመርሊግ ዮም አረቡዕ 04/03/2015 ማን/ሲቲ ወሊስተር-ሲቲ 10:45 ኒይው-ካስል ወማን/ዩናይትድ 10:45 ኪይው/ፒ/አር ወአርሰናል 10:45 ስቶክ ወኤቨርቶን 10:45 ቶተንሃም ወሲዋንሲ 10:45 ዌስትሃም ወቼልሲ 10:45 ሊቨርፑል ወባርኒለይ 11:00 እግል ልተልህያቱ።

ቼልሲ ካርሊንግ ካፕ ነሰኦ

እተሐልፈት ሰንበት ዐባይ እት ስታድዩም ዊንፕሊይ እተ ለገአት ናይ ደንገበ ትልህየ ካርሊንግ ካፕ ፈሪቅ ቼልሲ ወቶተንሃም እብ ዐውቲ ፈሪቅ ቼልሲ 2-0 ተመ።

ቼልሲ እግል እት 2ይት ደረጀት ለህለ ፈሪቅ ማንቼስተር ሲቲ እት ፕሪመርሊግ እብ 5 ንቅጠት እንዴ መርሐ እግለ እት ሮሻን ፕሪመርሊግ ሻንን እቲ ለህለ ወቅት እግል ካርሊንግ ካፕ ምስል ቶተንሃም እት ስታድዩም ዊንፕሊይ እተ ለትዋጀህ እተ ኢነት፡ መተልህየት እብ ደማንት-ኖስ ቶም ትልህየ ለ አ ን በ ተ ው ፣ እ ግ ል ሚ እለን ሐምስ ንቅጠት ልሰዕ ሐቲ ትልህየ ታርፈቶም እት ህሌት ሰበት ራ ክ ባ መ ን ዐለው።

እ ት ለ ትልህየ እሊ፡

ለእግል ቼልሲ ለወተየ ጎላት ቀደም ዕርፍ ካፒተንሊ ፈሪቅ ጆን ቲሬ ወሐቆ ዕርፍ ህዬ፡ ለእሙር ሀዳፍ ፕሪመርሊግ ጋብእ ለህለ ዲያጎ ኮሳት ሰጀለውን።

መደርብ ቼልሲ ጆሲ ሞሪኖ ምን እት እንግሊዝ አቅበለ ወሐር ዮም ዓመት ሳልፋይ ካሰ እት ነሰኦ እግል ብዕዳምመ እግል ልትወወት እቶም ክም ቲ እብ ደማንት-ኖስ ሐቆላ ትልህየ ምስል ስሕፈዩን እተ ወደየ መቃብለት አከደ።



